



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-49-1-310-23/16

Datum: 25.04.2016.godine

Na osnovu člana 70. stav 1. a u vezi sa članom 72. stav 3. tačka a) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 15.03.2016.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru drugorangiranog ponuđača

I

Ugovor za nabavku radova u predmetu nabavke "Vanjskog uređenja parcela G1, G2 i H u obuhvatu "Urbanističkog projekta Tešanj-Centar"- uređenje ulice 1. Mart u Tešnju", u Otvorenom postupku javne nabavke koji je objavljen na Portalu javnih nabavki dana 12.02.2016.godine pod brojem:375-1-3-27-3-6/16, Obavještenje o nabavci objavljeno u Sl.glasniku BiH broj:11/16 dana 19.02.2016.godine, u skladu sa članom 72. stav 3. tačka a) Zakona o javnim nabavkama Bosne i Hercegovine, dodjeljuje se drugorangiranom ponuđaču:

"Porobić" d.o.o. Zavidović čija je ponuda po rang listi odmah nakon ponude najpovoljnijeg ponuđača, a prema uslovima iz Ponude broj:11-04/16 od 14.03.2016.godine po cijeni od 298.422,23KM (slovima: dvijestotinedevedesetosamhiljadačetiristotinedvadesetdvije i 23/100 konvertibilnih maraka) bez uključenog PDV-a odnosno sa PDV-om 349.154,01KM (slovima: tristotinečetredesetdevethiljadastotinupedesetčetiri i 01/100 konvertibilnih maraka) .

II

Obavezuju se izabrani ponuđač da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

III

Za realizaciju Odluke zadužuju se Služba za društvene djelatnosti i investicije .

IV

Ova Odluka stupa na snagu danom donošenja i dostavlja se ponuđačima, shodno članu 71. stav 2. Zakona o javnim nabavkama.

V

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

O b r a z l o ž e n j e

Ugovorni organ je donio Odluku o izboru najpovoljnijeg ponuđača, grupe ponuđača "Mramor-prom"d.o.o. Tešanj i "Q inžinjering" d.o.o. Usora u postupku javne nabavke radova u predmetu nabavke "Vanjskog uređenja parcela G1, G2 i H u obuhvatu "Urbanističkog projekta Tešanj-Centar"- uređenje ulice 1. Mart u Tešnju", u Otvorenom postupku javne nabavke koji je objavljen na Portalu javnih nabavki dana 12.02.2016.godine pod brojem:375-1-3-27-3-6/16, Obavještenje o nabavci objavljeno u Sl.glasniku BiH broj:11/16 dana 19.02.2016.godine, procijenjena vrijednost javne nabavke bez PDV-a je 384.615,45 KM a kriterij za dodjelu ugovora je najniža cijena.

U členu 3. Odluke je navedeno da je ponuđač kojem je dodijeljen ugovor dužan da u roku od 5 dana od dana prijema odluke dostavi ugovornom organu potrebnu dokumentaciju kojom dokazuju svoju ličnu i ekonomsku sposobnost na način i u formi koja je propisana tenderskom dokumentacijom.

Ugovorni organ je Odluku o izboru najpovoljnije ponude, u skladu sa članom 70. stav 6. Zakona o javnim nabavkama, objavio na svojoj internet stranici i istu je dostavio svim ponuđačima dana 18.03.2016.godine.

Najuspješniji ponuđač u predmetu nabavke odnosno grupa ponuđača "Mramor-prom"d.o.o. Tešanj i "Q inženjering" d.o.o. Usora dostavio je u roku od 5 dana od dana prijema Odluke o izboru najovoljnijeg ponuđača (Odluka zaprimljena dana 07.04.2016.godine a dokumentacija dostavljena 11.04.2016.godine) dokumentaciju iz člana 45. Zakona o javnim nabavkama navedenu u tačkama 12.2. Tenderske dokumentacije.

Iz dostavljene dokumentacije grupe ponuđača utvrđeno je da ista nije potpuna u skladu sa traženom Izjavom iz člana 45. Zakona o javnim nabavkama. Naime, ponuđač "Mramor-prom"d.o.o. Tešanj dostavio je Potvrdu Suda BiH broj:Su:03-676/16 od 16.03.2016.godine da mu nije izrečena presuda za prevaru, korupciju, organizovani kriminal i pranje novca pred Sudom BiH. Međutim navedena potvrda nije validna za predmetnu nabavku iz razloga jer je datumski datirana od 16.03.2016.godine, te je evidentno da član grupe ponuđač "Mramor-prom"d.o.o. Tešanj istu nije posjedovao u momentu predaje ponude dana 14.03.2016.godine.

Ponuđač "Q inženjering" d.o.o. Usora dostavio je Uvjerenje Porezne uprave Federacije, Kantonalni porezni ured Zenica, Porezna ispostava Usora broj:13-4/11-15-4-391/16 od 16.03.2016.godine da nema duga po osnovu javnih prihoda, Uvjerenje Porezne uprave Federacije, Kantonalni porezni ured Zenica, Porezna ispostava Usora broj:13-4/11-15-50-390/16 od 16.03.2016.godine da nema dospjelih neizmirenih obaveza po osnovu doprinosa za PIO/MIO, zdravstveno osiguranje i doprinose za osiguranje od nezaposlenosti, Uvjerenje Uprave za indirektno-neizravno oporezivanje BiH, Regionalni centar Tuzla broj:02/6/IV-16-11-77-1352-1 od 17.03.2016.godine, Uvjerenje Općinskog suda Zenica broj:043-0-Su-RI-16-000 557 od 23.03.2016.godine da nije pod stečajem, niti je predmet stečajnog postupka i nije predmet postupka likvidacije te Potvrdu Suda BiH broj:Su:03-680/16 od 16.03.2016.godine da mu nije izrečena presuda za prevaru, korupciju, organizovani kriminal i pranje novca pred Sudom BiH te je evidentno da član grupe ponuđač "Q inženjering" d.o.o. Usora istu dokumentaciju nije posjedovao u momentu predaje ponude dana 14.03.2016.godine.

Dokazi iz člana 45. stav (2) ZJN, koje dostavlja izabrani ponuđač, po svom datumu moraju biti izdati do dana dostavljanja ponude, s tim da ti dokazi ne smiju biti stariji od 3 mjeseca, računajući unazad od dana dostavljanja ponude, sve u skladu sa članom 72. stav (3) tačka a) ZJN i tačkom tačkom 12.2. tenderske dokumentacije koja kaže da "Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 5 dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona".

Na osnovu navedenog, može se zaključiti da grupa ponuđača "Mramor-prom"d.o.o. Tešanj i "Q inženjering" d.o.o. Usora, u momentu predaje ponude nisu ispunjavali uslove navedene u Izjavi po členu 45. Zakona o javnim nabavkama jer je predaja ponude bila 14.03.2016.godine a gore navedena uvjerenja i potvrde su bile datumski poslije tog roka (16.03.2016.godine, 17.03.2016.godine i 23.03.2016.godine).

Kako je iz Zapisnika o pregledu i ocjeni ponuda broj:08-49-1-310-18/16 od 15.03.2016.godine vidljivo da je Komisija izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila najpovoljnijeg to se ugovor dodjeljuje ponuđaču "Porobić" d.o.o. Zavidović čija je ponuda po rang listi odmah poslije ponude grupe ponuđača "Mramor-prom"d.o.o. Tešanj i "Q inženjering" d.o.o. Usora, to je ugovorni organ uzimajući u obzir sve navedeno, a primjenom članom 72. stav 3. tačka a) Zakona o javnim nabavkama Bosne i Hercegovine ("Službeni glasnik BiH", broj:

39/14) izabrao ponuđača "Porobić" d.o.o. Zavidović, sa cijenom od 298.422,23KM bez uključenog PDV-a odnosno sa PDV-om 349.154,01KM .

Iz gore navedenih razloga a uz primjenu člana 64. stav 2. Tačka b) i člana 72. stav 3. tačka a) Zakona o javnim nabavkama Bosne i Hercegovine ("Službeni glasnik BiH", broj: 39/14) , donesena je Odluka kao u dispozitivu.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđačima x2,
2. Služba za društvene djelatnosti i investicije,
3. Web stranica općine, elektronski,
4. Predmet.

Huskić

[Handwritten signature]

OPĆINSKI NAČELNIK

[Handwritten signature]

Mr.sc. Suad Huskić profesor

